

صاحب امتیاز و مدیر مسئول حسن کاظم

ملت عثمانیه - امت اسلامیة ایچون مفید
اولان آثاره صحیفه لرمن آجیتدر . درج
ایدلپان اوراق اتاده ایدلر .

میلیمه و اداره خانه یی : استانبول باب عالی
جوارنده ابوالسعود جاده سنده نومروه ۷۵
اصحاب مراجعانه هرساعت آجیتدر .

حجرت الاسلامیه

شعبه یك هفته ده برنشر اولدور .

سر محرری : مصطفی فوزی

تاریخ تاسیسی ۱۳۲۷ سنه هجری

سنه ۴۸ نسخه اعتباریه ممالک شاهانه
ایچون بشین اولدوق ۱۴۵ آلتی آلتی
۷۵ فروش و ممالک اجنبیه ایچون
۹۶۰ غروشدور .

نومروه ۱۵۶

تصوفی ، دینی ، اخلاقی ، ادبی ، سیاسی جریده اسلامیه در

نسخه سی ۳ غروشدور

مؤمن فارماصون اولماز :

حدیث شریف :

اولیاً الله الذین اذا رؤوا ذکر الله

مألاً ترجمه : جناب حق ولیری اولیه کیمسه لر در که تصادف
اولوبده کورولده کوری آنده حضرت الله تعالی و تقدس خاطره کتوریلوره .
شمدی بالاده کی ترجمه یی دها زیاده ایضاح ایدلم : مرتبه ولایی
احراز ایدن ذوات کرامک اهل وقوف عننده صوری و معنوی بر
جوق علامات و اوصاف شریفه لری موجود و مشاهد اولوب بونلردن
بربی شودر که ولی الله اولان بر مؤمن کاملی کورده دیکر بر مؤمنک
قلبنه همان جناب حق ذکر و خاطره سی ظهور ایدر ایسته شو حال
او کوریلان ذلک ولی اولدیفنک بر علامتیدر .

« المؤمن مرآة المؤمن » سری بورادن آکلاشلمه لیدر چونکه
جناب حق اسماء جلیله سندن بری (مؤمن) اسم جلیلیدر موضوع
بحث اولان ولی ده مؤمندر فقط بر مؤمن کاملدر که آنک مؤمنیتی مؤمنیت
الهییه مرآة اولمشدر . آنکچون او مؤمن ولینک وجهنه نظر ایدن
عارف بالالهک آینه قلبنه همان ذکر و محبة الله عکس ایدر . حتی بر منکر
بیله بر ولی الهی کورنجه انکار طریقله بیله اولسه ینه جناب حق
خاطرله جغنده هیچ شبهه یوقدر . شویله بر فرق ابله که مؤمن عارفک کورمسی
خلفنک مایه آسایسی اولان نور الهیدن اقتباس ایده جکی فیض ربوبیت اثری
اولمله ذات مؤمن حقیقت ایمانیه سی مرآت الهیه ده کورمش اولیور . فقط
منکرک کورمسی بالمعکس آینه بشرینده کنده انانیته کوردرک (اناخیر منه
خلقتنی من نار و خلقتنی من طین) اعتراض ایلیمه سی سرد ایتمک
دولایسیله ینه انسان کامل سبیلله خالق فقط مطروده انه ذکر ایتمش
اولیور . (المؤمن بنظر من نور الله الذی خلق منه) مؤمنک مایه
اصلیسی نور الهیدر بتون اشیایه او نور یچونی ساحه سندن نظر
ایدرده هر شیده وجه باقی الهی یی مشاهده ایدر . کرک رائی
کرک مرئی کرک مرآة نور واحدک عبارت اولمله عارفک حالی

همان مرتبه مظهریتده نور ربوبیتله انصباغ ایتمکدر (ومن احسن من الله
مسبقه) مؤمن کامل (رجال لانهم یهم تجارة ولا یبع عن ذکر الله) آیت
کریمه سی مفادنه کوره ظواهر احوالده تجارت و بیع و شرا ایلهم مشغول
اولسه بیله ایچریدن ایچری به قلبی ، روحی ، بتون قنوی معنویه سی
جناب حق ذکرندن بر آن غفلت ایتمز و بو مشغولیت ظاهره سی
عبادات موقوته و معینه سنه مانع تشکیل ایده من بویله بر مؤمن ولینک
ظاهره سی خلق و باطنی حق ایلدر و انجق محبت الله یولنده سمعی آرتدورق
(انما المؤمنون الذین اذا ذکر الله وجلت قلوبهم ... الخ) منطوقجه
نور الهی ایلهم منور اولان اوکی مؤمنلرک یاننده جناب حق اسمی
ذکر ایدلرکی زمان قلبلرینی الله قورقوسی استیلا ایدر و آیات قرآنییه
او قونلرینی وقت ایمانلرینک قوت و نوری آرتار ورب عظیملرینه دائماً
متوکلدرلر « امن شرح الله صدره للاسلام فهو علی نور من ربه »
حقیقی مؤمنلر کیجه ده کوندورده سوکیلی معبودلرینک عشق و محبت
مستغرق اولدورق آنجق ذات بلك الوهیتک اشتیاق دیدارله قوه مفکره
لرینه مالک اولدوقلری حلقه اضطراری بر صورتده « رب ارنی النظر الیک
زمزمه سبیلله الله الله نعمه سی یانق یورکارندن قویان کوز یاشلرینه
کارشدره رق اولیه بر حاله کلورلر که صدور عاشقانه لری کمال انبساطله منشرح
اولدورق رب کریملرندن وارد اولان نور اسلامیتک فیوضات غیر
متناهییه سنه مستغرق اولدوقلری حالده « الله نزل احسن الحدیث کتاباً
متشاهراً ... الخ » آیت جلیله سنک شاهد اولدینی اوزره جناب حق
احسن کلام اولان قرآن لاهوتی نظامنی نبی کریم و رسول همامه
انزال پیور و بده او سلطان عظیم البرهانک لسان باهر الیایندن ظهور
و صدور ایدن وحی منزلک حین استماعنده اصحاب کرام حضراتک
حاصل ایندکری حسیات عالییه و تلذذات معنویه یی در خاطر ایدرک
کویاکه او مجلس ملائک انیسده حاضر بولنیور و سازه قرآن کریم همان
اوانده نازل اولیور که جناب واجب الوجودک محبتله مزوج قورقوسی
بتون وجودلرینی و حتی بتون کائناتی استیلا ایدرک وجودلرینک دریلری
دتر ، توپلری اورپرر ، کوزلرندن آقان خشیت یاشلری آرتدقجه

آرٹارده او آہ وانین ایچنده بتون اعضاسیله قلبی جناب معبود کریمنک
ذکریتہ مستعد اولدینی حالہ غشی و بی تابیدہ مستمر آحیران و نالان
اولور بوحالده ذکر الہی بہ مداوم اوله رق اطمئن قلب حاصل ایدرلرده
« الا یدکر اللہ اطمئن القلوب » سرینہ مظهر اولدقلری و « یا ایہا النفس
المطمئنة » خطاب جلیلہ مخاطب اولمغه کسب استحقاق ایتدکلی تظاہر
ایدر. ایشته بوبرہدایت ربانیه درکہ جناب حق ایتدیکی قولنه احسان
ایدر : [ذلک فضل اللہ یؤتیہ من یشاء واللہ ذوالفضل العظیم] جناب
حقک لطف واحسانیلہ بواحوال عالیہ کمدولرندہ ظهور ایدن ارباب
ایمانک ذوق وشوقلری متذاید اولدقچہ دیدار الہی بہ اشتیاقلری آرٹارده
حضرت کلیم اللہ شرفوارد اولان « لن ترانی » خطاب جلیلانی دوشوندکچہ
یورکلینک یانقلنی ، کوزلرینک حرارتلی یاشلری تزیاید ایتدیکی حالہ
ینہ مطلوب و مقصودلرینک حصولی یولندہ می و غیرتلیخی ارتہرق :

نظم لحرره

کوکل خورشید عشقه معکس مرأت فمارتدر

او عشقک جلوہ کاهی مشرق احضای وحدتدر

طایکار جمال اولیق اگرچہ موسویتدر

اوبرجک نیر خاص مقام خاتمتدر

سریر (لی مع اللہ) تختکاه احمدیتدر

دل موسای عشقه (لن ترانی) عین رؤیتدر

طریق وجدو عشقه منہا باب (مثنائی) در

آنک « لاندک الابصار » ثنا خوانی وشانیدر

تجلی اولسده ذاتی دکل . برقی و آنیدر

بتون عشاق واقطابک جوابی « لن ترانی » در

سریر (لی مع اللہ) تختکاه احمدیتدر

دل موسای عشقه (لن ترانی) عین رؤیتدر

طوغنجه طلعت نور صفائی شرق عزتدر

حجاب (لن ترانی) ولی ایدر ذات هویتدر

(اناللہ) نعمہ سی پیدا اولور اشجار کثرتدر

جالین مرض ایدر محبوب تجلیکاه وحدتدر

سریر (لی مع اللہ) تختکاه احمدیتدر

دل موسای عشقه (لن ترانی) عین رؤیتدر

کتاب عشق توحیدی او قو انسان معنادن

یورو قورتار دل و جانی خیالات مثاندن

(تفتخت) رمزنی آکلا . چیقار کبری بوصغری دن

بتون اشراق ایدر ارض وجودک نورمولی دن

سریر (لی مع اللہ) تختکاه احمدیتدر

دل موسای عشقه (لن ترانی) عین رؤیتدر

کل ای عاشق بویولده قبل توقف یک اوزون کیتمه
بیانلر سندن عارفدر ، جہولہ نعمہ اوکرمہ
سماع (لن ترانی) دن دل عشاقی اورکوتہ
حرم احمدیہ منتظر اول شد رحل ایتمہ
سریر (لی مع اللہ) تختکاه احمدیتدر
دل موسای عشقه (لن ترانی) عین رؤیتدر
نفحات عاشقانه سنی ورد زبان ایدرک « واصبر نفسك مع الذين
یدعون ربهم .. الخ » آیت جلیلہ سنک مضمونہ ماصدق اولورلر .
ایشته بونلر ماسبقده ذکر ایتدیکم « المؤمن ینظر من نوراللہ
... الخ » حدیث جلیلہ تعریف بیوریلان ذوات کاملہ درکہ بونلری
ینہ بونلر کبی نور ییجون الہینک مظهری اولان مؤمن کاملین ادراک
ایدرلر ایشته بویله مؤمنلر درکہ « الاخلاء نومئذ بعضهم لبعض عدو
الملتقین .. الخ » و انما المؤمنون اخوة ، کبی آیات جلیلہ و « المؤمن
مرآة المؤمن » و « المؤمن للمؤمن کالبینان یشد بعضهم لبعض » کبی
احادیث شریفہ سنک مضمونہ مظهر اولورلرده جملہ سی بر جمعیت
موحده ، حتی فرد واحد حکمنی احراز ایدرک بتون کاشانک نور
وروح مستفاضی اولیق مرتبہ سنی بولورلر . ای قارئ برکرمہ بوفادہ
ناحیزانہ می برکرمده عارف یک مرحومک بیک بر حدیث کتاب
مستطابندہ بحر اولان بالادہ کی « المؤمن مؤمن .. الخ » حدیث شریفک
تشریحی صدندہ واقع اولان افادہ دیندارانہ سندہ فارماصوناق حقندہ کی
قصہ بی کور صکرده سبیل الرشاد جریده فریدہ سنک سلسلہ مقالاتی
میانندہ ایام اخیرده فارماصوناقک تشریحی ضمنتندہ نشر اولان مقالہ لری
مطالعہ ایتدہ کورکہ فارماصوناق نامی آلندہ طویلان شرذمہ ده عقل
وانصافدن ذرہ وارمیدر ؟ ..

کندی صرک اک بیوک متفکرلرندن عد ایدن فارماصوناق بتون
اسارات دینیہ و خیالات (وحی) دن و فرضیات تصوفیہ دن قور تولمش
برمؤسسہ اولدقلرینی و موجودیت الہیہ بی تأکیدلہ مکلف بولندقلرینی
و چونکہ مقاصد جهانگیرانہ لرینہ فارشو اقرار الوہیت ذاتی قبول
ایدہ میہ جکلرینی وحاشائیم حاشا (اللہ) جل جلالہ حضرتلرینک بتون
فناقلرک اصلی اولدقنی و جناب حقہ فارشودانما اعلان حرب ایلمدیون
بولندقلرینی و هر زمان ذات اجل و اغلابہ حاشائیم حاشا بغض و نفرت اعلانی
(اللہ) لفظی هیچ بر معنایی افادہ ایمان برکلمہ اولدقنی و کندولری
بالکزدانلہ فوقندہ دکل ، جناب حقہ عائد هر هانکی ایمانک دخی
فوقندہ بولندقلرینی و جناب حق حقندہ قونوشانلرک الحق بر طاقم
دلیردن عبارت اولوب بوکی خلیانلہ وقت کچوردکلرینی و روح واللہ
تعالی حقندہ کی سوزلرک صرف عنفہ نظامیہ رعایتدن ایلری کلدیکی
و هیچ بر اعتقادہ استناد ایتدیکنی بیان واعلان ایمک کبی مجنونلقلر

اظہارندہ بولنیورلر وابدیت روح فیکری حریت وجدانیہ برتجاووزدر
دعائک احقعلقن ارتکاب ایدرلر وروحیت ابدیتی عصرمن بری انباته
بالایشانلر موفق اولماشلردرو اولیہ جقلردردرلر و بواشارینک اثباتی
ضممندهده چونک روح کندی کندی خلق ایتشدیه بینہ بی معنای
بلهانه سی سرد وایشان ایدرلر فبحان الله دییاده بر موجودک یته
کندی ذاتک موجود وخالق اولدیغنی اعتقاد ایدہ جک قدر عقلسز
سرسملرک انسانلر میانده موجوداوله بیلہ جکنه ایناتقی هیچ بر عقل
سلیمک قبول ایدہ میه جکی درجدهده بر سفسطه ایکن فصل اولبورده
یوفارماسون اقدیلر کندیلرینی انسان عد ایدیورلر و فصل اولبورده
احتملک بودرک سته تنزل ایدن بر کر وه فارماسونلق مسالک مجنونانه سی
عالم انسانیتک خیری وبتون دنیانک ترقیسی اوله رق کوسترمک جبارتنده
بولنیورلر؟!... چونکه الحاحل جسور. دییاده عقل باشنده اولان هیچ
بر انسان بولنورمی که برانسان ویاخود حیوان کندی کندیسنک پدر
ویاخود والده سیدر یعنی بر زیروح یته کندی کندی دیو غورمشدر
دیہ بیلسون ویاخود بویله دییان کیمسه یه ایناسون. خایر بوکا یته
فارماسونلر کی عقلسز ویاخود کفر عنادی صاحب لری وجود ویره بیلورلر
بن بوراده بشقه ابضاحاه لزوم کورمیورم سبیل الرشاده کی مقاله جلیلہ
عمر محترمک «عقل سلیم اربابی فارماسون اوله بیلیری؟» سوآل
محتمنه جواب اوله رق دیرم که بو قدر صریح مسالک سقیانه یه عقل
سلیم اربابی دکل «دره قدر عقل وحسه مالک اولان فکر سقیم اصحابی
بیلہ عرض صمیم سلوک ایدہ مز. عارف بلک مرحومک حبیب جلیل
مذکور شرحنده بیان بیورینی فارماسونلرک اصول و آیینی ویک
کولنج اولان طرز تخلیف ونوع تصنیفی نظر دقنه آلنورسه بو مسالک
طنلانه بر طریق الحاددر که موضوعی تعطیل دیانت و غایه سی انکار
الوعیندر اولثک کالانعام بل هم اضل

مصطفی فوزی

فاتح — دراغمان :

فلسفه

براهین توحید

ادراک حقایق قابلیت رؤیتک قوت وضمعی، شدت و خفتی اعتباریلہ
بردرجدهده واقع دکادر. محسوس اولسون، معقول اولسون حقیقت
یا منجلیدر ویا مستتر. بوانجلا واستتارکده یته عین نقطه نظرندن
(قابلیت رؤیتک قوت وضمفندن) درجات متفاوتہ سی واردر.
مثلا: بری کونشی رأی العین کورور، بر دیگر ی بالکزی ضیای منعکسی
مشاهده ایدر، بر باشقه سی بوکاده امکان بوله مازده آنجق لامسه سیله

(مثلا) حرارتی حس ایلر، یاخود وجودی (اعمالک لون حقنده کی
اعتقادی کی) باشقه سندن ایشیدیر. بونلرک دردی ده مدرکدر.
معتقددر، فقط مراتب ادراک واعتقادلری مختلفدر. اوت، کافه سته
صورسه کز علملرندہ متیقن اولدقلرینی آکلار سکز، لیکن مرتبه
شروده واصل اولانلری دائما دائره یقینک مرکزنده ثابت کورور سکز.
بوندن شو آکلار شلیور که عالم ایله معلوم آره سنده بولنان حجب
ذات معلومدن نشأت ایتہ یور. بالعمکس عالمک فطرت واستعدادندن تولد
ایدیور. یته آکلار شلیور، که بشر هیچ برمسألهده صوک سلام بقینه
واصل اوله مامش، فقط بعض مسائلده استعدادینک صوک قوتی
صرف ایدہ رک صوک قدمه فطرتنه بالغ اوله بیلمشدر.

بشرک هرخصوصده ظاهر اولان قدرت وعجزی، قوت وضمعی،
رشاد وظلالی، هدل وظلمی [۱] معلوماتیله اولان درجات مناسباتی
نتیجه سیدر. معلومات ایسه وجودلری اعتباریلہ یا عیان و اذهانده
ویاخود بالکزی اذهانده اولور. اذهانده موجود اولانلر اوتہ کیلر
بیننده بولنان نسب وعلاقدر، که موجودیت ومعلوماتی بالبعدر.
موجوداتک اشرف واعلاسی دخی ذات اجل واعلادر. اصل مقصدیمزده
اوموجود اقدس واعلادن بحث ایتکدر. چونکه خلقتک نمونه کالی
اولان بشر ایچون اوندن ده شریف بر مبحث، ذکر وتذکیریه لایق
بر موضوع اوله ماز! ناصل اولسون، که منفعی موقت ومحدود
بر حقیقت منکشف اولور، اولماز. اوزون مدت وسیله بسط مقال
اولور، نامتناهی مناقشہ لر تولید ایدیور! یا کائناتک مبدعی! یا
ادراکک واهی! یا عالمک ولی نعمت حقیقیسی! (فدکران نفعت
الذکری!)

تذکیر وارشاد زمانه کوره دکیشیر: بالکزی نفاق وعملینک دکل،
نفاق واعتقادینک، حتی کفر چهارینک شایع ومتحکم بولندینی
شو زمان فطرتده ایشه باشند، یعنی توحیددن باشلامق لازمدر.
بونک ایچوندر، که بوسلسله مقالاتی اشرف مقاصد ومبنای سعادات
اولان مباحث توحید ایله براهین باهره سته حصر ایتدک ومتکلمین
دینلن سالیکن طریق تشکیکک التفات ایتدهکاری بولدن کیتدک
ومن الله التوفیق.

مرشیده [۲] اولدینی کی ذات اجل واعلانک دلیل وجودی
اولا کندی ذاتی، ثانیاً شاهد وشاهدیدر. (شهدالله انه لا اله الا هو
والملائکه واولوالعالم قائماً بالقسط. لا اله الا هو العزيز الحكيم.) [۳]

[۱] علما ومرتبه اجتهاده واصل اولانلردن صدور مصیبت
محالدر. دیمشدرده انا علمکم بالله واتقاکم حدیثندهده بوکا اشارت
واردر، که علم علت تقوی قلتمشدر.